


成實論

古籍

才二十

四百十五  
二十

50865



Large stylized Chinese characters, likely '大清' (Great Qing), overlaid in a light gray font.

大清國  
皇帝  
御製

大清國  
皇帝  
御製

山... 文... 金... 漢... 置

佛... 輪... 聖... 轉

... 格

成實論卷第二十

訶梨跋摩造

姚秦三藏鳩摩羅什譯

三慧品第一百九十四

三慧聞慧思慧修慧從修多羅等十二部經  
中生名為聞慧以此能生無漏聖慧故名為  
慧如經中說羅睺羅比丘今能成就得解脫  
慧雖聞韋陀等世俗經典以不能生無漏慧  
故不名聞慧若能思量諸經中義是名思慧  
如說行者聞法思惟義趣又說行者聞法思  
惟義已當隨順行若能現前知見是名修慧  
如說行者於定心中見五陰生滅如諸經中  
說汝等比丘修習禪定當得如實現前知見



又七正智經中說若比丘知法名聞慧知義  
名思慧知時等名修慧又如羅睺羅讀誦五  
受陰部等名聞慧獨處思義名思慧後得道  
時名修慧又經中說三種器杖聞杖離杖慧  
杖聞杖名聞慧離杖名思慧慧杖名修慧又  
經中說聞法五利未聞則聞已聞明了斷疑  
正見以慧通達甚深義趣未聞則聞已聞明  
了是名聞慧斷疑正見是名思慧以慧通達  
是名修慧又聞法利中說行者以耳聽法以  
口誦習是名聞慧以意思量是名思慧以見  
通達是名修慧又四須陀洹分中聞正法名  
聞慧正憶念名思慧隨法行名修慧又五解

脫門中從所尊聞法是名聞慧通達語義是  
名思慧生歡喜等名爲修慧又經中言佛所  
說法三時善等善男子若長若幼聞法生念  
在家憤內出家閑靜若不出家則不能淨修  
善法即捨所有親屬財物出家持戒守護諸  
根威儀詳審獨處思惟遠離五蓋得初禪等  
乃至漏盡於此中長幼聞法是名聞慧念在  
家憤內出家閑靜是名思慧遠離五蓋乃至  
漏盡是名修慧又經中說二因緣故能生正  
見從他聞法自正憶念從他聞法名聞慧自  
正憶念名思慧能生正見名修慧又偈中說  
當習近善人聽受正法樂於獨處調伏其心

是中習近善人聽受正法是名聞慧樂於獨  
處是名思慧調伏其心是名修慧又佛教諸  
比丘汝所說時當說四諦所思惟時當思四  
諦是中若說四諦名聞慧思惟四諦名思慧  
得四諦名修慧如是等處處經中佛說三慧  
問曰是三慧幾欲界幾色界幾無色界荅曰  
欲色界一切如手居士生無熱天彼中說法  
若人說法必思其義故知色界亦有思慧無  
色界中但有修慧問曰有人言欲界無修慧  
色界無思慧是事云何荅曰以何因緣故欲  
界無修慧問曰以欲界道不能斷諸蓋障諸  
纏今欲界纏不現在前荅曰佛法中無有此

語以欲界道不能斷諸蓋障諸纏今欲界纏  
不現在前又說以欲界道能破煩惱何者欲  
界有不淨觀等如經中說善修不淨觀能破  
貪欲慈等亦尔問曰是欲界不淨觀等不能  
永斷煩惱答曰色界不淨觀等亦不能畢竟  
斷諸煩惱問曰以麤重不適等行能斷煩惱  
非不淨等答曰無有經說麤等能斷煩惱不  
淨等不能經中說以不淨等能斷煩惱又麤  
等有何勢力能斷煩惱而不淨等不能又若  
欲界有麤等行應以此行斷諸煩惱若無應  
說因緣何故有不淨等而無麤等若有而不  
斷煩惱色界雖有亦不應能斷是亦應說曰

緣何故欲界不能而色界能問曰欲界雖有  
塵等而不能斷諸煩惱以是散亂界故散亂  
心者無所能斷如經中說攝心是道散亂心非  
道荅曰應說因緣何故欲界名散亂界耶是  
中有不淨觀等若是散亂界去何能觀骨等異  
相又色界攝心有何異相而欲界無問曰以  
色界道能得離欲於此間死生色界中如楔  
出楔荅曰何名離欲問曰斷煩惱名離欲以  
色界道能斷煩惱非欲界也荅曰諸外道斷  
結還起還生欲界是故凡夫不名斷結若斷  
已更生則無漏斷結亦應更生是事不可又  
經中說斷三結已能斷三毒凡夫不能斷三



結故無得離欲又凡夫常有我等心故無有能斷身見等若凡夫能離欲者一切煩惱皆不應有所以者何一切煩惱皆衆緣成如經中說從衆緣成我若此凡夫於欲界五陰不起身見復未得上界諸陰然則凡夫應無身見有如此過如是煩惱應當永盡此凡夫應是羅漢而實不得煩惱都盡如經中說聞大雷音二人不怖轉輪聖王及阿羅漢今此凡夫亦應不怖又阿羅漢不欣生不惡死此人亦應如是如優波斯那阿羅漢為毒蛇所螫將命終時諸根不異顏色不變是人亦應如是又阿羅漢世間八法不能覆心此人亦應

亦以離欲故而實凡夫雖說離欲皆無此相  
故知不斷煩惱問曰凡夫能斷諸結此間命  
終往生色界若不斷結云何生彼經中亦說  
有離欲外道又說阿羅羅迦羅摩鬱頭藍弗  
捨離欲色生無色中又說以色離欲以無色  
離色以滅離起思念是故汝言凡夫雖斷煩  
惱以還生故不名為斷是事不然汝亦說凡  
夫諸有所斷皆實是遮但名為斷離其實不  
斷說名為斷實不離欲說名離欲如偈中說  
若念我我所死來則能斷小兒持土戲隨愛  
時恠護若心厭離時則壞而捨去此亦名離  
欲而外道斷與死斷異死斷不生色無色界

小兒捨土雖供養之無大果報若供養離欲  
外道得大果報語言雖同其義則異故知凡  
夫實有斷離答曰遮中有差別若能深遮煩  
惱則生色無色界又若能遮身見先已說過  
若不能遮欲界身見去何能生色界無色界  
但能遮貪恚故生色界非遮身見等故知凡  
夫實不斷結亦有欲界善法能遮煩惱故知  
欲界亦有修慧又經中說除七依處亦許得  
道故知依欲界定能生真智問曰是人依初  
禪近地得阿羅漢道非欲界定答曰不然言  
除七依則除初禪及近地已又此中無有因  
緣能依近地非欲界定若此行者能入近地

何故不能入初禪耶是事亦無因緣又須尸  
摩經中說先法住智後泥洹智是義不必先  
得禪定而後漏盡但必以法住智為先然後  
漏盡故知除諸禪定除禪定故說須尸摩經  
若受近地即過同諸禪又無有經中說近地  
名是汝自憶想分別問曰我先說楯喻故知  
以異地道能斷異地結如以細楯能出鹿楯  
如是以色界道能斷欲界行者若先斷欲及  
惡不善法然後能入初禪故知必有近地以  
之斷欲又說因色出欲若無近地云何因色  
又經中說行者若得淨善則能捨不淨善猶  
如難陀因天女愛能捨本欲又若不得初禪

寂滅味者不能於五欲中生麁弊心故知先得初禪近地能捨欲界荅曰得欲界淨善能斷不善如說五出性若聖弟子或念五欲不生喜樂心不通暢如燒筋羽若念出法心則通暢又說行者隨生不善覺觀則以善覺觀滅是故汝說椽喻亦可欲界汝言因色離欲是末後事行者以欲界道斷諸煩惱隨次漸斷乃至能得色界善法尔時欲界名畢竟斷得色界法汝言得滅盡定阿羅漢亦得諸定但說其末汝言得淨妙喜及寂滅味皆已摠荅又若欲界無定去何能以散心證色界善問曰慧解脫阿羅漢無定亦但有慧荅曰此

中但遮禪定必當應有少時攝心乃至一念  
如經中佛說比丘取衣時有三毒著衣已則  
滅無有經說散亂心中能生真智皆說攝心  
生如實智

四無礙智品第一百九十五

問曰有近法位世智何者是耶答曰是暖等  
法中能破假名智是智以世俗見諦故曰世  
智近聖道故名近法位問曰是見諦道中未  
來修等智答曰無未來修等智後當說所以  
者何破法相中無假名心是故見諦道中不  
修世智問曰經中說四無礙智何者是耶答  
曰若名字中無礙智名法無礙言音中無礙

智名辭無礙謂殊方異俗言音差別如經中  
說行者不應貪著國土言辭若言音不便義  
亦難解若無名字則義不可明即此言辭不  
留不盡名樂說無礙如經中說有四種說法  
或說有義趣不能無盡有能無盡而無義趣  
有二俱能有二俱不能此三種智名言辭方  
便知名語中義無礙智名義無礙如說有四  
種說法有義方便無語方便有語方便無義  
方便有俱方便有俱無方便若人能得四無  
礙智是名具足方便難訓難近說法中上樂  
說無盡亦有義趣智慧無窮言辭無滯問曰  
此無礙智去何當得荅曰以先世業因緣故

得若能世世善修因緣智慧及陰等方便以  
修習力故今世雖不學習文字讀誦經典亦  
能得知如天眼通等問曰何人能得荅曰唯  
聖人得有人言但阿羅漢得非諸學人此不  
必尠學人亦能得八解脫何故不能得此智  
耶問曰此四無礙在何界中荅曰欲色界一  
切無色界中唯義無礙無礙二種有漏無漏  
學人具二種無學人唯無漏若得則一時盡  
得女人亦得如曇摩塵那比丘尼等

五智品第一百九十六

五智法住智泥洹智無諍智願智邊際智知  
諸法生起名法住智如生緣老死乃至無明



緣行以有佛無佛此性常住故曰法住智此  
法滅名泥洹智如生滅故老死滅乃至無明  
滅故諸行滅問曰若尔者泥洹智亦名法住  
智所以者何若有佛無佛是性亦常住故荅  
曰諸法盡滅名為泥洹是盡滅中有何法住  
問曰泥洹非實有耶荅曰陰滅無餘故稱泥  
洹是中何所有耶問曰實有泥洹何以知之  
滅諦名泥洹苦等諸諦實有故泥洹亦應實  
有又泥洹中智名滅智若無法云何生智又  
經中佛為諸比丘說有生起作有為法有不  
生起作無為法又經中說唯有二法有為無  
為有為法有生滅住異無為法無生滅住異

又經中說諸所有法若有爲若無爲滅盡泥洹  
唯此爲上又說色是無常滅色故泥洹是常  
乃至識亦如是又經中說滅應證若無法何  
所證又佛於多性經中說智者如實知有爲  
性及無爲性無爲性即是泥洹以真智知云  
何言無又諸經中無有定說泥洹無法故知  
汝自憶想分別謂無泥洹荅曰若離諸陰更  
有異法名泥洹者則不應名諸陰盡滅以爲  
泥洹又若有泥洹應說有體何者是耶又緣  
泥洹定名曰無相若法相猶存者是名無相如  
經中說行者見色相斷乃至見法相斷又經  
中處處說一切行無常一切法無我寂滅泥

洎是中我名諸法體性若不見諸法體性名見無我者若泥洎是法則無體性不可得見以此法不滅故如隨有瓶時無瓶壞法若瓶壞時得說瓶壞斷樹等亦如是如是若諸行猶在尔時不名泥洎諸行滅故有泥洎名又苦滅不名更有別法如經中說諸比丘若此苦滅餘苦不生更無相續是處第十寂滅安隱所謂捨離一切身心貪愛永盡離滅泥洎是中言此苦滅餘苦不生更有何法名泥洎耶又亦更無別有盡法但已生愛滅未生不生尔時名盡更有何法說名盡耶實不可說復次有是法之異名五陰法無名為泥洎是中無有

而名爲有此則不可以滅盡故說名泥洹猶  
如衣盡更無別法若不尔者亦應別有衣盡  
等法汝言有滅智者亦無所妨如於斷樹等  
中智生亦無別有斷法又由諸行故是中智  
生謂隨諸行無名爲泥洹如隨無此物知此  
物空問曰今無泥洹耶荅曰非無泥洹但無  
實法若無泥洹則常處生死歟無脫期如有  
瓶壞樹斷但非實有別法言餘諦等皆已通  
荅所以者何有苦滅故說有不生不起不作  
無爲法等悉無所害無諍智者隨以何智不  
與他諍此名無諍有人言慈心是也以慈心  
故不惱衆生復有人言空行是也以此空行

不與物諍又有人言樂泥洹心是以樂泥洹  
故無所諍有人言在第四禪此不必尔是阿  
羅漢以此智修心皆無所諍願智者於諸法中  
無障礙智名爲願智問曰若尔者唯佛世尊  
獨有此智荅曰如是唯佛世尊具足此智餘  
人隨力所及得無障礙邊際智者隨行者得  
最上智以一切禪定熏修增長若於增損壽  
命等中得自在力名邊際智

六通智品第一百九十七

有六通智六通者身通天眼天耳他心智宿  
命漏盡身通名行者身出水火飛騰隱顯摩  
捫日月至梵自在及種種變化如是等業

為身通問曰此事云何當成答曰行者深修  
禪定故得如經中說禪定者力不可思議有  
人言變化心是無記此事不然若此行者為  
利他故種種現變何故名無記耶有人言以  
欲界心作欲界變化色界心作色界變化此  
亦不然眼等亦應如是可以欲界識見欲界  
色耶如是等若色界心化欲界變化有何咎  
有人言初禪神通能至梵世乃至四禪神通  
到色究竟是亦不然隨根力所及若利根者  
以初禪神通能到四禪鈍根者亦以二禪神  
通不能用初禪如大梵王到禪中間是中無  
神通以初禪力能到諸餘梵天即以初禪

能知梵王住處又佛以宿命憶念無色如經  
中說若色無色中先所生處佛悉知之是故  
不定有人言天眼是慧性此事不然天眼由  
光明成慧不如是問曰經中說修光明相能  
成知見知見即是天眼荅曰不然亦說天耳  
不以慧性名之爲耳故非慧也又天眼緣現  
在色意識不尔又解天眼中說知衆生業報  
眼識無有此力但意識中智用眼識時生故  
如從禪定生色名爲天眼問曰天眼形處大  
小荅曰如童子量又問盲人云何荅曰亦齊  
眼處又問天眼爲一爲二荅曰是二又問隨  
見所向方耶荅曰遍見諸方又問化人有耶

荅曰無造化者有天耳論亦如是行者若知他心名他心智問曰何故不說知他心數荅曰以此因緣故無別有心數知他受想等亦名他心智有人言此智同性緣如以有漏知有漏無漏知無漏是事不然此人不說決定因緣以此因緣知同性緣有人言但緣現在此亦不然或緣未來如人入無覺定知從此定起當覺如是如是事有人言此智不知見諦道是事不然若知何及耶又說辟支佛欲知見諦道中第三心即見第七心聲聞欲知第三心即見第十六心此不名知見諦道耶有人言此智不知上地上人上根是亦不定諸



天亦知佛心如佛一時深擯衆僧還念欲取  
梵王悉知又於一時心念爲王如法化世魔  
王即知而來勸請又諸天亦知此是阿羅漢  
乃至此是行須陁洹又諸比丘亦知佛心如  
佛將泥洹時阿那律次第知佛所入諸禪定  
有人言此智不知無色是亦不然佛以宿命  
能知無色他心智亦如是知有何咎耶問曰  
云何知他心荅曰於緣中知若心行色名緣  
色心如是一問曰若尔則他心智緣一切法  
荅曰如是若不知緣云何知心如經中說我  
知汝心如是一如是即是緣色等知他心三種  
一相知二報得三修得相知者如以鴛伽呢

等故知報得者如鬼神等修得者修禪定力  
得他心智此六通中說修得者若憶過去世  
中諸陰名宿命智問曰爲憶何陰荅曰憶自  
陰他陰及非衆生陰雖不能憶勝者諸陰能  
憶勝者戒等諸法何以知之如舍利弗荅世  
尊言我雖不知去來佛心能知其法又淨居  
天知佛心故來白佛言如是世尊過去諸佛  
威儀亦尔問曰解宿命中何故說共相共性  
荅曰憶念明了故如是說相名字如某人等  
又以識事故名爲相姓名種族如言此是汝  
家此是汝性相性合說故知見明了問曰何故  
爲明了憶荅曰過去法盡滅無相而能得知

此爲竒特有人以思量相知不能明了謂佛  
弟子亦復如是是故性相合說有人用宿命  
智或以有道思慧知過去世如行緣識此二  
種中思慧爲勝所以者何此人雖知八万大  
劫無此思慧故生邪見謂從此來名爲生死  
過此更無有道思慧終無此心有人言此智  
次第憶念過去是事不然若念念次第憶一劫  
中事尚難知盡況無量劫問曰經中何故說  
我於九十一劫已來未見布施損而無報荅  
曰佛於此中以七佛爲證亦有長壽淨居與  
佛同見又佛得真智故功德清淨若人供養  
得二世福故齊此說有人言此智不知上地

是事不然。上身通等中已。答問曰：若是憶性，何故名智？答曰：憶隨相生，過去無相而能憶，念當知勝慧名之爲憶。宿命有三種：一用宿命智，二報得三生，便自憶宿命智名，修得報得者，如鬼神等生，便自憶謂人道中問曰：以何業故生，便自憶。答曰：以不惱衆生此業，能得所以者，何死時生時苦切逼，故忘失憶念。此中難得不失，故須善業。有人言：此憶過去極至七世，是事不定。有人世世深修，不惱法，故能憶念久遠。證漏盡智通者，金剛三昧是也。金剛三昧是漏盡，無礙道漏盡，智名無學。智以金剛三昧滅盡諸漏名證漏盡智通。問

曰餘神通亦應說以何法證答曰先以說深  
修禪定證神足通又隨所用證及所證事皆  
名神通有人言一切聖道皆是漏盡方便如  
經中說若佛出世善人聞法出家奉戒除捨  
五蓋修定見諦此等皆名漏盡方便有人言  
施等善法亦名漏盡因緣如經中說行者布  
施助成漏盡空無我智是名真證漏盡智通  
此法別名金剛三昧能破諸相故曰金剛諸  
外道人但名五通皆以不得此真智故問曰  
以無我智應破我見云何以此斷貪恚等答  
曰無我智能滅諸相以無相故諸煩惱滅問  
曰以初無我智能壞諸相第二智等更何所

用答曰諸相雖滅還生是改須身二等問曰  
若滅已還生相則無邊然則無阿羅漢道答  
曰有邊如今現見乳滅還生有時乳滅酪生  
是則為邊相亦如是又如燒鐵黑相滅還更  
生至赤相生今時名邊迦羅邏等諸喻亦如  
是隨於何時諸相滅盡更無相生今時名得阿羅  
漢道問曰阿羅漢都無諸相耶答曰若在不  
定心中今時亦有色等諸相但不生過若人  
眼見色以邪心邪分別今時相能生過問曰何  
者是空無我智答曰若行者於五陰中不見  
假名衆生以法空故見色體滅乃至識滅是  
名空無我智問曰假令諸法常在愛等煩惱

用答曰諸相雖滅還生是改須身二等問曰  
若滅已還生相則無邊然則無阿羅漢道答  
曰有邊如今現見乳滅還生有時乳滅酪生  
是則為邊相亦如是又如燒鐵黑相滅還更  
生至赤相生今時名邊迦羅羅等諸喻亦如  
是隨於何時諸相滅盡更無相生今時名得阿羅  
漢道問曰阿羅漢都無諸相耶答曰若在  
定心中今時亦有色等諸相但不生過若人  
眼見色以邪心邪分別今時相能生過問曰何  
者是空無我智答曰若行者於五陰中不見  
假名衆生以法空故見色體滅乃至識滅是  
名空無我智問曰假令諸法常在愛等煩惱

亦可除盡如說万物常在而精進者能除貪  
愛何須滅相荅曰經中說所有生相皆知滅  
相於諸法中得法眼淨若以滅斷名畢竟斷  
有行者離諸色欲遮滅貪恚佛爲此故說如  
是偈又說諸行性空如幻凡夫無智謂之實  
有學人了知虛誑如幻阿羅漢亦不見幻故  
知隨以何慧證諸法滅是名證漏盡智通  
忍智品第一百九十八

問曰經中說若行者有七方便三種觀義於  
此法中速得漏盡是何智耶荅曰七方便名  
聞慧思慧所以者何心未定者作如是觀謂  
此是色色集色色滅及色滅道色味過出問曰



若是聞思慧者何故言速得漏盡答曰雖是聞思慧如是分別五陰能破我心故說速得漏盡三種觀智謂觀有爲法無常苦無我若以陰界入門觀有爲法則無義利問曰若尔者前過中已說無常苦出中已說無我何故復說此三種觀耶答曰習學三種先聞思慧然後修慧先於聞思慧中說七種後修慧中說三種所以者何若無常苦壞相名壞無常非行無常雖說除欲染不說云何除後乃說三種觀義問曰何謂八忍答曰若有智能破假名是名爲忍是忍在暖頂忍世間第一法中問曰行者亦於佛法僧及戒等中忍何故

但說八耶荅曰以勝故說勝名近道此慧爲  
智故名爲忍如爲苦法智名苦法忍如是等  
所以者何先用順道思慧後得現智如牧象  
人先觀象跡以比智知在此中後則現見行  
者亦尔先以忍比智思量泥洹然後以智現  
見故經中說知者見者能得漏盡

九智品第一百九十九

問曰有論師言阿羅漢證盡智時得世俗九  
智謂欲界繫善無記乃至非想非非想處善  
無記是事云何荅曰非一切阿羅漢盡得諸  
禪定云何當得九智問曰一切阿羅漢皆得禪  
定但非一切皆能現入荅曰若不能現入云

何名得如人言知書而不識一字是事亦亦  
問曰若人離欲而未能現入初禪是人命終  
不生彼耶荅曰經中說先此間入後當生彼  
今云何此間不入而能生彼問曰若離欲時  
過去未來諸禪皆本得得以此報生荅曰未來  
業無作無起不應得報過去諸禪曾於心生  
若與果報則無所害又不應得未來諸業若  
可得者一切未來皆應可得何以障故有得  
不得問曰若未來法不可得者學人不應八  
分成就無學不應十分成就所以者何若依  
第二禪等入正法位是人未來得正思惟又  
若行者盡智現前余時未來得世正見有人

依無色定得羅漢果是人未來得正思惟正  
語正業正命又若人依第三禪等得聖道得  
未來喜如是等法則應皆無故知有未來法  
又若無未來修者云何當得諸果諸禪定等  
行者若在道比智中悉得初果所攝諸智諸  
定若不尔果等應數數得所以者何諸果皆  
應現前時得是事不可故知應有未來中修  
答曰汝言無諸分者此無所妨所以者何我  
說戒等諸分以次第得非一時得故非難也  
汝言諸得其種類行者得苦智時餘苦智種  
皆名爲得如得人種故名得人相亦不名於  
念念中漸得人相是事亦尔問曰行者所有

苦等諸智次第得者皆已捨離更一時得須  
隨洹果所攝諸智荅曰無漏諸智得則不失  
問曰若先得不失則得行無別所以者何得  
果者即是行者有此等過荅曰若無差別有  
何咎耶如成就果者亦名行者此亦如是又  
是人更得勝法故有差別是故無過如受五  
戒者更得出家律儀亦不失本戒又得果者  
不以見道故有差別如人雖知初事更以勝  
事故有差別此事亦尔故知無未來得又行  
者住空無我智尔時云何得世間法故知得  
盡智時不得世智問曰此諸世智共盡智得  
與阿羅漢作入出定心荅曰阿羅漢心相續

生念念皆淨若更得九智眼等皆應更得若不亦不應但得九智又說未來修者皆無因緣所以者何此等說見諦道中但修相似智思惟道中亦修相似及不相似見諦道中不修上地思惟道中修道比智中不修世俗善餘智中修無礙道中不修他心智信解脫轉為見到時一切無礙解脫道中不修世俗道時解脫轉為不壞解脫時九無礙八解脫道中不修世俗道第九解脫道中修微細心中不修一切無漏如是等皆無因緣是故汝今若說正因若應信受若以學習為修在暖等中時上諸善根一切皆修以悉增益故如誦

習經書則皆明利是故在暖等法時乃至盡  
智一切皆修若不尔當說正因

十智品第二百零

十智法智比智他心智名字智四諦智盡智  
無生智知現在法是名法智如經中說佛告  
阿難汝於此法如是見知如是通達過去未  
來亦如是知應言現在法智今不說現在故  
但說法智如經中說愚者貴現在法智者貴  
未來又說現在諸欲未來諸欲皆是魔網魔  
繫魔縛如是等中皆說現語略現語故但說  
法智知餘殘法名曰比智餘謂過去未來諸  
法次現在法後知故名比智所以者何先現

知已然後比知法智名現智隨此法智思量  
比知名爲比智問曰比智是無漏智無漏智  
云何名比智答曰世間亦有比智所以者何法  
智比智他心智苦智集智滅智道智皆有有  
漏無漏是諸智在暖等法中是有漏入法位  
所得名無漏問曰有人言知欲界諸行諸行  
集諸行滅諸行滅道名爲法智知色無色界  
諸行四種名爲比智是事云何答曰經中說  
佛告阿難過去未來世中亦是知無有經  
說色無色界諸行中智名爲比智又經中說  
行者應念我今爲現色之所侵食過去曾亦  
爲色之所侵食未來中色亦當侵食又經中



說生緣老死去來世中亦復如是如馬鳴菩薩說偈如現在火熱去來火亦熱現在五陰苦去來陰亦苦如是等苦諸大論師亦如是說又知過去未來世法名爲比智亦有道理所以者何行者於去來現在苦中厭離厭離名於此法中生真智慧如現在行苦去來諸行亦如是苦今以何智知去來法若是法智色無色界諸行亦有去來於彼中知亦應名法智然則唯是法智無比智也苦色無色界去來行中別有智者欲界去來行中亦應別更有智以此義故諸論師言有得未得故次第見諦欲界苦名得色無色界苦名未得是

故不可一時並知若未得苦以比智知今欲  
界中所未得苦亦應以比智知問曰以何智  
為斷結道荅曰但用法智比智在方便道中  
問曰用何法智荅曰用苦法智滅法智所以  
者何行者觀無常苦時見空無我今時證諸  
行滅餘智皆是方便問曰觀何苦滅荅曰觀  
諸受苦此中能生我心是故亦於此中見滅如  
說內解脫故諸愛盡滅自說得阿羅漢問曰  
經中不說一切行斷名斷性耶荅曰此行者  
證內滅故一切厭離又行者必當應證內滅  
餘不必定問曰於諸諦中云何生智荅曰知  
生苦等問曰此非定心何能生智荅曰有如

是觀亦有見陰無常等過生苦無我想如經  
中說若法無常即是無我所以者何眼等諸  
根有生有滅若是我者我即生滅故知非我  
是眼等生時無所從來以有所作故名爲無  
我而經中說無有作者故知若法無常即是  
無我如是行者善修無常及無我故身心寂  
滅所有行生皆覺其惱則生苦想如無皮牛  
小觸覺痛行者如是以無我想故成上苦想  
愚者以我想故雖有大苦不覺其惱是名苦  
智見諸行生是名集智見諸行滅名爲滅智  
念道始終是名道智問曰何謂盡智荅曰盡  
一切相故名盡智所以者何學人相斷還生

此畢竟斷故名盡智如經中說若知妄相唯  
是妄想諸苦則盡學人智但妄想是我此心  
永斷名爲盡智如經中說阿羅漢於佛前自  
記世尊所說諸結我無此也我於是結不復  
生疑我常一心攝念正行貪等不善不漏於  
心是中取相故生諸結諸相斷故諸結則滅  
學人行於相無相故我心時發如見杌樹疑  
謂是人故阿羅漢獨得無疑以心常行無相  
中故見衆生空於五陰中不見神我後以法  
空不見色性乃至識性故知一切相盡名爲  
盡智知諸相不生名無生智學人斷相盡已  
還生無學相盡更不復生若能令諸相盡滅

更不復生。今時名無生智。問曰：學人亦知有盡智。無生智如念我三結盡。更不復生。何故不說十分成就。答曰：學人不能斷一切想。故不說有盡智。無生智如人處處繫縛。雖一處解。不名得脫。亦有此義。舍利弗說：給孤獨氏十分成就。又阿羅漢得自在力。故自知結盡。更不復生。學人不介。又阿羅漢得無學道。能自知一切生盡。名為盡智。梵行成者。謂捨諸學行所作辦者。謂諸所應作。皆已作訖。知從此身更無相續。故知但阿羅漢於一切所作。應得自在成就。盡智及無生智。非諸學人。如人瘡病。雖不發時。亦不名瘡。如經中說：離一切處。

喜滅一切處憂證一切法滅常行無漏心他  
心智如六通中說五陰和合假名衆生此等  
中智名名字智無漏智名真實智此似無漏  
得名為智故曰名字智問曰有人言一切衆  
生成就等智是事云何荅曰若佛弟子能知  
諸法從衆緣生是人能得非餘衆生以得智  
名故一切衆生但用想識若得此智名內凡夫  
四十四智品第二百一

問曰經中說四十四智謂老死智老死集智  
老死滅智老死滅道智生有取愛受觸六入  
名色識行亦如是何故說此荅曰泥洹是真  
法寶以種種門入有以五陰門入或觀界入

因緣及諸諦如是等門皆至泥洹何以知之  
如經中說王處城中有雙使來從一門入到  
已向王說其事實語已還去諸門亦尔此中  
王喻行者諸門謂觀陰界入等雙使如止觀  
說其事實謂通達空是諸使雖從諸門入皆  
到一處如是雖觀陰界入等諸門方便皆入  
泥洹如羅睺羅說於獨屏處思惟法時知如是  
法皆隨順趣向稱讚泥洹又佛於讚法中說  
是法能滅諸煩惱火故名爲滅能令行者心  
得安隱故名安隱能令行者到正遍知故名  
爲至如是等義皆讚泥洹又梵行名八聖道  
八聖道中正智爲上是正智果所謂泥洹又

佛所說教皆爲泥洹故知五陰等門皆至泥  
洹問曰有論師言老死智名苦智是事云何  
答曰非也所以者何是中不說苦行故非苦  
智問曰爲是何智答曰此名老死性智問曰  
亦說知老死集老死滅老死道故知應是  
吾智答曰此是因緣門非真諦門是故此中  
不應說苦行應說集等以相順故問曰此中  
何故不說味過出等諸智耶答曰此義皆攝  
但集經者略而不說

七十七智品第二百二

問曰經中說七十七智謂生緣老死不離生  
有老死過去未來世中亦如是是法住智觀



無常有爲作起從衆緣生盡相壞相離相滅  
相亦如是觀乃至無明緣行亦如是是是  
故不說老死性及滅道等耶答曰爲利智者  
故如是說但開其門可知餘亦如是又外道  
多於因緣中謬說世間萬物因世性等故佛  
於此但說因緣問曰已說生緣老死何故更  
說不離答曰爲必定故諸法中有不離因如  
施爲富因亦以持戒得富如說持戒得生天  
上或有生念老死因生或不因生故須定說  
問曰何故去來世中復須定說答曰現在與  
過去世或有異相謂過去衆生壽命無量勢  
同諸天如是等恐人謂壽命等異老死因緣

亦當有異故須定說未來亦尔此六種名法  
住智餘名泥洹智能令老死相續故說無常  
有爲作起從衆緣生盡相壞相即是無常行  
離相即是苦行滅相即是空無我行所以者  
何此中色性滅受想行識性滅是名三種觀  
義如經中說比丘有七處方便三種觀義速  
得漏盡皆是爲泥洹智如是等因緣智有百  
千無量謂眼智等如經中說眼緣業業緣愛  
愛緣無明無明緣邪念邪念緣眼色諸漏緣  
邪念諸食緣愛五欲緣搏食等地獄短命緣  
殺生等若今苦先苦皆緣妄想妄緣身心  
憎愛憎愛緣貪欲貪欲緣邪思惟如是等諸

因緣智無量無邊自應當知

成實論卷第二十

二

楔楯

節二同反

先盤

許各反

拈弄

拈二同非

摩拏

目下

門

瞳子

同上音

儻擯

二同必

用

牧鳥

下上音

作

目

象

煖煖

上同正

屏

音

下

正

用

作

目

